



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-444; 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-2-40-631-2/22**

Datum: **07.12.2022. god**

«Agencija za vodno područje rijeke Save» Sarajevo rješavajući po zahtjevu Investitora Bajramović Fatime iz Gradačca za donošenje Rješenja o vodnoj saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme za uzgoj bikova u naselju Donje Ledenice, grad Gradačac, na osnovu člana 139. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj saglasnosti**

1. Investitoru Bajramović Fatimi iz Gradačca daje se vodna saglasnost za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme za uzgoj bikova kapaciteta 80 grla, koji se planira graditi u naselju Donje Ledenice, na zemljištu označenom kao k.č. broj: 1641/1 K.O. Donje Ledenice, grad Gradačac, a na osnovu projektne dokumentacije:
  - Glavni projekat vanjskih hidroinstalacija – gospodarski objekat-farma za uzgoj bikova (kapaciteta 80 grla krupne stoke), urađen od «IBIS» d.o.o. Zavidovići, broj: 79-IB-G/20, decembar 2020. (revidovan od «HKP CONSULTING» d.o.o. Banja Luka, decembar 2020.).
- Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
  - 3.1. Radove na izgradnji sistema za prikupljanje, odvodnju i zbrinjavanje osoke i otpadnih voda nastalih u postupku pranja i čišćenja objekta za uzgoj, kao i objekta za zbrinjavanje đubriva, izvesti u skladu sa ovjerenom projektnom dokumentacijom iz tačke 1. ovog Rješenja.
  - 3.2. Objekti za prikupljanje, odvođenje i zbrinjavanje osoke i otpadnih voda od pranja objekta, kao i objekat za zbrinjavanje đubriva moraju se ispitati na vodonepropusnost.
  - 3.3. Ishodovati okolinsku dozvolu od strane nadležnog organa ili potvrdu da ista nije potrebna.
  - 3.4. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.
  - 3.5. Prilikom izvođenja radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
  - 3.6. Podnosilac zahtjeva je obavezan ispoštovati uslove iz Rješenja o urbanističkoj saglasnosti za izgradnju gospodarskog objekta-farme za uzgoj bikova (kapaciteta 80 grla krupne stoke) broj: 06/1-23/1-3882/19 od 08.10.2020. izdatog od Gradske službe za urbanizam, investicije i komunalne poslove Grada Gradačac.
4. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu obuhvaćenim ovom vodnom saglasnošću, korisnik zaštitnih vodnih objekata nije odgovoran za nastale štete.

6. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine FBiH» broj 31/15, 55/19, 41/20 i 63/22).
7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeta izgradnja.
9. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Investitor Bajramović Fatima iz Gradačca, svojim zahtjevom, zaprimljenim 23.11.2022., zatražio je izdavanje vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme za uzgoj bikova kapaciteta 80 grla, koji se planira graditi u naselju Donje Ledenice, na zemljištu označenom kao k.č. broj: 1641/1 K.O. Donje Ledenice, grad Gradačac, a u postupku pribavljanja odobrenja za građenje.

U provedenom postupku dostavljena je i pregledana sljedeća dokumentacija:

- Ovjereni kopija lične karte Investitora,
- Dokaz o uplaćenju upravnoj taksi,
- Kopija Rješenja o urbanističkoj saglasnosti za izgradnju gospodarskog objekta-farme za uzgoj bikova (kapaciteta 80 grla krupne stoke) broj: 06/1-23/1-3882/19 od 08.10.2020. izdatog od Gradske službe za urbanizam, investicije i komunalne poslove Grada Gradačac,
- Kopija Rješenja o produženju važenja urbanističke saglasnosti broj: 06/1-19-1-3386/21 od 17.10.2021. izdatog od Gradske službe za urbanizam, investicije i komunalne poslove Grada Gradačac,
- Kopija Rješenja o prethodnoj vodnoj saglasnosti broj: 04/1-11-21-22245/20 od 31.08.2020. izdatog od Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o prethodnoj vodnoj saglasnosti broj: UP-I/25-1-40-288-4/20 od 10.08.2020. izdatog od «Agencije za vodno područje rijeke Save» Sarajevo,
- Kopija Ugovora o isporuci pitke vode zaključenog dana 15.05.2020. sa JP «KOMUNALAC» d.d. Gradačac,
- Kopija Ugovora o povremenom prihvatu i zbrinjavanju isključivo sanitarno-fekalne otpadne vode zaključenog dana 17.06.2020. sa JP «KOMUNALAC» d.d. Gradačac,
- Glavni projekat vanjskih hidroinstalacija – gospodarski objekat-farma za uzgoj bikova (kapaciteta 80 grla krupne stoke), urađen od «IBIS» d.o.o. Zavidovići, broj: 79-IB-G/20, decembar 2020. (revidovan od «HKP CONSULTING» d.o.o. Banja Luka, decembar 2020. (na uvid i ovjeru).

Nakon uvida u dostavljenu dokumentaciju konstatovano je sljedeće:

- Gospodarski objekat za uzgoj bikova, kapaciteta 80 grla, sa planira graditi u naselju Donje Ledenice, grad Gradačac.
- Predmetna lokacija se ne nalazi u vodnom dobru niti u poplavnom području vodotoka I kategorije.
- Đubrivo, nakon završenog ciklusa, će se prikupljati u vodonepropusnu đubrišnu jamu/lagunu sa osočnom jamom, do konačnog odvoza na poljoprivredne površine.
- Osoka i otpadne vode od pranja unutrašnjosti objekta će se prikupljati sistemom kanalizacione mreže i odvoditi u đubrišnu jamu/lagunu, te procjeđivati u osočnu jamu.
- Sanitarno-fekalne otpadne vode će se prikupljati u septičku jamu.
- Predviđeno je da se snabdijevanje vodom obezbijedi iz rezervoara  $V=8 \text{ m}^3$  na lokaciji, a za koji će se voda dovoziti cisternama od strane JP «KOMUNALAC» d.d. Gradačac.
- Projektna dokumentacija je urađena u skladu sa uslovima iz prethodne vodne saglasnosti izdate od ove Agencije.

Urbanističke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti izdala Gradska služba za urbanizam, finansije i komunalne poslove Grada Gradačac.

Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»).

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-I/25-1-40-288-4/20 od 10.08.2020., te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat vanjskih hidroinstalacija – gospodarski objekat-farma za uzgoj bikova (kapaciteta 80 grla krupne stoke), urađen od «IBIS» d.o.o. Zavidovići, broj: 79-IB-G/20, decembar 2020., data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Sanja Miličić, građ.ing.

Prilog:

- Ovjerena projektna dokumentacija: Glavni projekat vanjskih hidroinstalacija – gospodarski objekat-farma za uzgoj bikova (kapaciteta 80 grla krupne stoke), urađen od «IBIS» d.o.o. Zavidovići, broj: 79-IB-G/20, decembar 2020.

Po ovlaštenju

Rukovodilac sektora za izdavanje vodnih akata

  
Haris Ališehović, dipl.ing.građ.

Dostaviti:

- Bajramović Fatima  
Hasana Kikića bb, 76250 Gradačac (prilog)
- AVP Sava, ISV-vodna knjiga
- 📁 Sektor 40 – arhiva
- Oglasna ploča – AVP Sava